

日探芳窓以衡恩報德遂於子

夫五更半風歸寫云下華

其二月景重昏紫出雲千六種宜日半罕
一 套 齣 十 絲 掛 婦 籍 齣 雲 鞭 上 歲 十 分 林 不
一 帶 蕭 森 涼 園 林 如 劫 寒 露 華 露 露 白 酥 葉

一帶蕭森氣園林破曉寒霜華凝露白楓葉
奪榴丹絳樹歌誰續紅雲辨已難十分秋不
老二月景重看染出霞千片鮮宜日半竿烟
光迷蓼岸風韻寫江千載

日射半窓紅雀興殊慙程伯子
雲飛滿眼正癡情每憶秋梁公

合刻歌詞

談譚之梓十年於茲矣端委

具在前序中尾談譚而梓亦

有社身有以子有補遺社則

以會友以則以適情補遺則原

稿殘亂如紫絲而棄之又徒

同社宗人暨輔導集先生體至先
而采輯成帙者亦與顏譚為
位久矣嗣是戊午以來歲月
日深主人不暇計工拙惟務是
課如蠶吐絲燕累巢又有續刻
隨筆焉蓋以譚寄情以顏

協譚不出戶庭而海內騷人墨
客或相過從或緘芳訊皆於
斯焉以嘗拍掌且藉此以識
歲月優之游之聊以適歲月
云耳夫同一韻譚也社吟補
刻歲月參差觀者不無異同

似于不佞舍名保粹之惟寧
月星攷歎曰舍刻嗟乎刻
有遠近而寄情則一時有伏
謝而為譚不二雖俱下里之
者身然六心画所及以不猶
縷之也目識之丁卯嘉禾

望且發一書於間以軒

韻譚卷之五

合刻戊申至壬子

蓮居 敬一伯初父 著

宗社

宣雜漢冠
奉餽懷朴 父 編彙
全次

渝州 陳時學怡甫補次

乙未夏日

荏苒春風到東郊。肅仗迎日遲。天漸暖。風過景還清。鳥語閒中聽。花開眼底明。小齋同事業。樂在讀書聲。

丙申夏夜

萬籟無聲漏自沉。蘭香月色透窓陰。此間清景
真堪掬。伴我書齋過夜深。

壽屠外祖八十春山圖

二萬八千六百日。羨翁遐算又重週。烟霞賦相
寧尋鼎。蘭芷聯芳每泛舟。清渭河濱周帝佐。富
春山畔漢星儔。嵩喬從此開圖畫。海屋年年報
鶴籌。

丁酉冬夜

三逕菊纔謝。園林樹已凋。朔風敲凜凜。細雨韻

瀟瀟。到處柴門閉。無端木葉飄。雞聲啼半夜。鴈
響度空霄。呵手題詩句。挑燈點易爻。窓前無所
與。走筆紀冬宵。

己亥隨駕有事東山恭和睿韻

江內波光新霽雨。天邊雲色隱輕雷。麟車馬
登山道。鬱鬱松杉護夜臺。艸宿可能忘永慕。雲
封尚自有深哀。諸園展祀歸來晚。風日依依首
重回。

庚子秋日卽事

昨日秋風冷今朝復似春不是時頻轉原來人
自因愁付湘江寄歡同院落新今朝昨日事有
意莫逡巡

月

清虛千載獨成眠應恨春秋去復還莫道姮娥
無俗意相思圓缺幾多年

瓶插海棠

煉就丹砂一點紅懶同凡彙惹春風案頭擎對
朝還夕誰識相逢是葛洪

夏宵兀坐

沉沉午夜清默默動機平撲面荷香遠回頭月
色明碧筒須泛酒銀箭莫催更萬籟歸岑寂深
宮散樂聲

晚望

重重烟霧鎖青山一望蘭江水接天鴈落平沙
歸渡晚分明一幅畫圖間

觀舟

南北江中競渡多鼓歌聲接震長河忠臣事已

經千古菰黍猶今弔汨羅

對蓮

園亭石盆裡菡萏一枝芬幽質偏成趣清香覺
出群雨來珠濺顚風動碧搖紋自得蓮中意移
樽莫計醺

避暑戲筆

炎蒸無奈逼人何取靜閒眠漫咏歌洞裏乘涼
風自入窓前對景興尤多長楊幾樹陰偏綠菡
萏如竿色似醜何處棋聲驚午夢有時村唱出

西坡輕雷隱隱隨雲住爽氣疎疎共雨過又見
夕陽開晚霽花香兀自透衫羅

初冬曉行紀事

霜凝草面疑鋪簞風動松聲若珮珂翠微深處
鷄鳴早紅樹村邊犬吠多片片明霞騰瑞氣重
重嵐霧落青波禪林漫與僧閒話不覺山頭日
又過

甲辰元夕

碧空皓魄侵樓臺星斗江城到處開沸沸清歌

音註
卷之五
四
騰子夜。紛紛火樹綻。瑤階咲憐士女。懽同携。暝
入樽罍。春早來。總是昇平人盡樂。銅龍滴漏莫
相催。

仲春四日東樓看雪

翹首江城外。都成種玉田。風飄璫樹。崑山接白
雲。天壓柳全無色。侵花不吐妍。倚樓遲入望。遠
浦一漁船。

甲辰閏月九日

重陽纔過又重陽。兩度登高興轉長。紅葉黃花

偏倍好。囊萸菊秫更何妨。促襟已共看歌舞。落
帽重教說醉狂。盛世二難先已得。情超彭澤並
流芳。

西池競渡恭和 先祖王韻

西池初霽雨。競渡更相宜。畫槳爭紅錦。青樽注
綠醅。興豪寧判醉歸去。不妨遲欲紀園亭勝庸
才愧賦詩。

乙巳春日寄屠外祖

一別龐眉春去迴。龍山一望獨徘徊。仙翁不棄

食霞閣重馭雙鳧澧水來

壺天深處久虛居松桂青青落影疎三徑不荒

勤掃拂春濃開閣待高車

丙午重陽口號

憶昔陶家乏酒錢無錢空對菊花憐而今酒漉

花爭色可惜瀟然病裏眠

壽恒齋六十

景物重陽候周盈喜正華金莖分玉露翠綺護

丹砂漫賞延年重奇逢六袞加恒山相祝壽寧

復紫萸誇

壽屠外祖九十恭用 祖王壽八十韻

青臺杳望色蒼蒼中有喬松碧漢梁金簡不扁

秦帝册石函惟隱洞中章四時處女粧常麗千

載陽烏景自昌衛武何年此重到介眉先進菊

花觴

海屋今添九十籌老人星已映靈修圃中預兆

延年菊鼎裡旋成配日鏐生子螽斯先演筭圖

南鵬鳥數全收澧蘭沅芷從今後壽域新開咲

十洲。

盡菊

種種呈秋色朝朝弄晚香靜中相對我不必在重陽

雨霽

雨歇園林二月天開窓春色滿樽前夕陽遙暎
酡顏色燕語鶯啼惜少年

春日侍宴恭和

雨過山城秀風來氣味增翠微輕拂幃碧嫩軟

鋪茵修禊蘭亭舊。銜杯西圃新。論文才有媿至樂實同人

草堂

用岵雲王公扇頭韻

艸堂幽僻近西阿楊柳陰濃蔭綠莎橫枕抱書
驚野唱典衣沽酒喜賓過香風池上分荷芰新
月墻頭影薜蘿一曲清歌增此興流螢點點拂
輕羅

閏六月七日悞為七夕偶成

牛女心懸渡鵲橋佳期漫數是今宵誰知餘月

音譜
卷之五
相睽隔惹起相思恨轉遙

中秋迎
駕登月臺稱觴是夜無月

疊疊層樓接碧宵。香風金粟自招搖。萊衣高舞
歡親意。犀筇同斟屬戚僚。嘹唳清歌盈玉宇。鏗
鏘雅樂徹通宵。恍然直到清虛境。可怪嬋娟未
許邀。

憶恒齋花園

圃裡千枝妬落霞。當年此地亦繁華。可憐枉費
東君力。玉謝花成他姓花。

重陽
已上舊稿乙丁集選

籬菊盡舒黃。相逢對夕陽。含情思往事。逐景有
餘香。綠釀來樽滿。清歌引興長。陶潛何處認。愧
我已詩狂。

仲春廿日尋芳遇子姓六七人沽飲

春濃日見景偏嘉。興適城頭樂未涯。幾處花紅
明去路。三眠柳綠暗村家。條風正煖醺人醒。膏
雨新晴競物華。子姓喜逢同拚醉。杖頭解盡不
辭賒。

音言
吳玉山久別會間步韻見志

荆南相距一江斜幾度懷人暮靄遮十載池中
空夢艸幾番筆底憶生花風流晉代人如昨義
氣延陵劍影奢手把鮫鮪坐茆屋看君盤薄遍
烟霞

戊申首夏恭遇

父王五袞令節謹賦俚語四首以志忻忭

其一謁聖

五夜初分漏未央恪從高閣叩穹蒼清徐仙調

雲璈樂縹緲祥煙漢鼎香電繞南天徵景運星
明北斗應遐昌千秋自有明良會快覩于今景
物芳

其二謝恩

曉籌初報漏聲頻旒冕端嚴拜紫宸最喜啟明
光映斗漸看龍燭道當寅心存敬畏天顏近德
播賢良帝寵新祿位居高名壽並增輝玉牒沐

絲綸

時奉

勅獎

其三朝賀

昇平愛日正清和。共立階墀步輦過。臣子班聯呼上壽。士人聲叶祝三多。仁風已佈從丹壑。湛露還濃出絳河。最是藩垣忻怵會。頻頻入耳盡謳歌。

其四嘉慶

日麗風恬晝正長。天倫至樂慶同堂。佐觴上壽歌金縷。助綵怡顏舞繡裳。伎倆許多呈異巧。劇優新話頌無疆。頻聽笑語聯中外。玉漏初傳月有光。

題老子圖贈段學博

跨犢函關外。玄風化異方。五千言已就。何日聚華陽。

七夕

今夕是何夕。鵲橋架正宜。人間爭乞巧。天上喜逢奇。歲閱休爲杳。河橫豈是離。年年同此夜。但願度無期。

夏日雅集諸社友

雨過山城淨。清涼薄暮時。薰風來水面。明月透

音譜
卷之五
紗幃吟賞襟懷暢。評談咲語奇。留賢尤愧醴杯
酒興偏宜

七夕

驚秋梧葉數聲飄。青鳥西來說漢朝。騷客憑欄
悲楚賦。玉人何處弄秦簫。綵樓咫尺金梭近。碧
落須臾銀漢遙。今夕休教辜負去。欲同仙侶架
虹橋

七夕與玉山山人小酌

一鈎新月掛銀河。雲淡星疎景若何。天上奇逢

還作偶人間。好事應須多。詩情剩我尋殘牘。酒
况饒君問叵羅。信是一年懽合夜。相逢盤薄莫
蹉跎

曉謁武當行宮

曙色開新霽。疎星猶在天。風輕舟渡緩。露潤馬
行先。海外張晨錦。村中起早烟。遙看蒼碧處。此
地有神仙

漫紀

彩霞籠紫閣。細雨濕蒼苔。盪漾光浮水。氤氳洞

前記
卷之五
隱雷草低連石種松遠倚雲栽玉燭增和氣祥
烟滿袖回。

藍茂才以七夕漫興見投次韻荅之

北牕閒夢覺銀鹿偶相過文藻通三昧風流出
大羅寄情尤灑落對境不蹉跎乞巧吾何有長
吟奈若何

秋初晚望

薦爽哉生魄輕風送夕暉螢焰高低熾蟬聲遠
近微花眠香未散人困興忘歸何處砧聲急催

詩一葉飛

早出

早涼乘興到城西碧落雲輕日影迷稚子採菱
爭勝負漁郎涉水識高低幾行飛鳥隨人意百
尺遊絲襯馬蹄到處翠微無伏暑村家此際儘
堪題

仲秋七日登臺看月

嬋娟有約試登臺萬里烟雲一望開佳興莫教
隨月去天香應是逐風來金莖沆瀣清詩骨玉

學醍醐。沉俗胎。相向賡酬。尋好句。城頭一任角
聲催。

客懷送吳山人

明月添清興。西風送客愁。怯隣砧杵巷。愛近管
絃樓。遊子涔蘭夢。懷人郢樹秋。相思何所寄。好
信有歸舟。

對菊有感

採菊東籬下。相逢北苑中。花催頻急鼓。月上帶
疎鐘。夜話燈前劇。愁腸酒後重。裁詩歸郢客。不

復數山公

過繼樂宅時有娠兆祈贈之

簷低天易晚。院靜座生涼。喜動春風近。詩成酒
興狂。花開迎瑞氣。芝產兆禎祥。情重難歸去。移
樽伴夕陽。

秋日同高約我郭堯衢諸親友薄酌聽蟬
鳴

移樽與客傷。東籬促膝談。心論轉奇老。少情懷
風與月。江湖景况酒和詩。蟬聲獨咽留秋響。菊

葢應延傲雪枝。共醉莫留今夜興。明朝有意更相期。

秋秒尹華宇見過留飲卽席口占

留賢開小館。握臂喜知新。菊彩占秋盛。蘭香締契真。宏談情轉劇。小飲意尤親。有約簪先合。朱陳自好姻。

初冬天氣晴和渾如早夏偶占

上苑冬堪賞。秋林紅未勻。蟬聲尤認夏。桃放錯疑春花下。蝶狂舞階前。草仍茵。尋芳三月舊景。

物一時新

壽屠外祖九十有二

令旦今逢衛武年。壽星炳耀小春天。冷霞閣上來曼倩。叢桂坊前覩僊佺。遶膝斑衣肇國秀。介眉冠蓋喜藩聯。從斯紀筭籌盈屋。聖世禎祥此最先。

寒夜

昨宵碧落月生華。今日風光別一家。江上扁舟無釣叟。庭前疎樹有栖鴉。葉飄幾陣疑紅雪。籟

音詩
卷之五
動千林似塞笳。此際市廛門盡掩。總饒騷侶興。堪誇

脉望亭

移樽來訪舊仙居。樹色青青草不除。十載已成今古事。清風尚自度徐徐。

華樓館舊址

仙館無人鹿滿郊。數竿修竹任風敲。艸叢客過難尋徑。葉落鳥飛易見巢。

籬菊傲霜

籬邊綠色仍嬌嬈。霜裡風前意自調。信是留人間裡醉。莫教更去問花朝。

孤蟬鳴暮

枝頭不住尚啾啾。欲挽秋歸未斷思。物自有情人自省。等閒休負好天時。

柳葉飄風

陣陣飛來繞砌前。乍停還動不拖烟。應知有意供詩料。擁入寒爐茗自煎。

群鴉噪夜

夕陽纔下四雲生。庭樹蕭蕭動鳥聲。料得明朝天欲雪。殷勤勸客漉醅迎。

乍寒

乍寒西館憶郊遊。促膝盤飧興轉悠。妙舞不須西子臂。清歌何必阿樊喉。雲深薄暮茶翻鼎。風過輕寒酒作裘。還掩重門留客住。甕頭共醉復何求。

春日樂善堂延讌諸賢予趨庭之暇承振南諸親友見過小齋留飲兼盟詩社

親賢延士日歸喜。會成嘉未設徐生榻。先逢長者車。論文情共洽。把酒興偏賒。盟社評詩後。如蘭心莫遐。

得振南吟友人別業大篇聊探中一二勉

爲俚語

曾聞別業擅涪陽。纔說窺園興已狂。粧點不須姚魏色。品題應在水雲鄉。朱絃緗帙饒清韻。錦谷花鈿自異香。何日尋春來園苑。酒杯詩卷共徜徉。

與方郡幕

江左家聲舊湖南。綵綬分丰標。如衛玉才思儼。
郇雲說項母容我。知音獨屬君。相逢還把臂。珍
重說蘭芬。

仲春三日謁文昌閣兼寄黃廣文

桂香宮殿接層霄。此日躋攀探沈瀲。纏野星芒
瞻佩鳥。過雲仙曲聽簫韶。芳春氣象仁慈霈。盛
世文章化育昭。獨媿未能消鄙吝。無緣叔度共
崇朝。

適東樓聞屠舅氏集客東館聽歌戲占

乘興到樓頭。笙歌遞未休。五雙西子臂。十犯小
樊喉。頻使眸凝望。空教涎自流。躊躇前日興。虛
度尚難酬。

春分過周鹿野園亭

春色平分日。尋芳踏北城。問津前畔柳。呼酒上
林鶯。水蘸涼亭繡。花開晴圃榮。泛觴還看竹。珍
重主人情。

復李無學孝廉招提避暑用韻

音韻
卷之五
聞君却暑孕金丹。大梵宮中六月寒。白雪常飛
霧馭靜。紅塵不到老僧歡。談經已識空三舍。結
社須憑紙一翰。只恐明年春得意。白蓮疎冷不
禁殘。

夏日閔囊宇山人見過用李孝廉韻畬之
知君如得九還丹。意氣凌歎滿座寒。江漢毓
霧饒勝蹟。岷峨摩秀任。奇觀詩聯珠玉輝。華屋
筆掃雲煙識彩翰。况是蓮居初結社。應將風雅振
衰殘。

初夏道溪卽事

才渡蘭江繡水津。沿村新綠快心神。滴松雨細
山含秀。逐浪風輕水自勻。咲語隣舟初返浦。遂
聲隔岸似留人。勤民自是知艱苦。浪說君家踏
晚春。

夏日無學見過小齋待月且有七夕之約

戲占

把酒裁詩同待月月起。詩成酒未竭君家有意
莫相辜。七夕共爲牛女伐。

莫厭夏日晚。眺城頭。忽憶春時行樂。感慨口占。
昨日城頭望江水。江水悠悠無所止。踏春從此
眺青郊。拒暑重來迷舊址。樹陰艸障景難同人。
遠時更情易起。砧疎蟬急。總關愁短句。裁來問
君子。

夏日同客訪吳玉山寓所

山人習靜耽幽僻。獨抱清風臥姑射。我來與客
漫招尋。披衣醒眼任岸幘。試看筆底烟雲飄神
路遙。

孟秋朔謁仙壇漫賦以紀酷暑兼慨世

炎帝乘威飛赤虎。更兼一月天不雨。奔忙城市
氣如烟。鋤割田禾汗濕土。嗷嗷罄室兒女儔。如
蒸如執偏。耽苦禽鳥也知倦。不飛艸木猶妨花。
不吐風流浪子尚高歌。膏梁貴客避幽圃。我屈
大厦暑亦侵。可憐民瘼誰爲撫。使君痾瘵禱未
昭。莫瀉天瓢恩澤溥。裁誠辦得一爐煙。戴星來

音言
卷之三
卽彌羅府么。磨那得格高。穿寸衷。虛憫何能補。
今年難比往年同。父老傳呼爲創覩。蒼天蒼天
意何如。甘霖更莫相羈阻。

畚繼樂

朝罷彌羅自艸詩。詩成筆底汗交垂。顙呼不見
雲霓合。眺望還憐田野悲。郡牧隨車霖已應。黎
民擊壤頌偏奇。鰥生何幸叨沾潤。博得烟雲出
墨池。

李無學訂約中秋用韻復之

鵲橋架整興偏長。爲我相羈兩地望。問月却妨
前夜暑。訂期更喜仲秋涼。而今有意翻中笈。他
日傾心賦盛唐。前席常虛雖愧醜。南樓新釀任
君嘗。

龔溪東以南莊卽事佳。什見投因東畚并
訂面晤。

大雅雄南麓。風流冠楚臺。君才傳灋久。我愧識
荆來。乘興當筭秫。呼門未掃苔。應知談咲日。磨
去寸中埃。

音言
七夕立秋涼風薦爽喜雨漫成東李無學
一夜西風早薦秋。半天甘雨慰時愁。候蟲鳴壁
情難挽。梧葉辭柯。意若留。砧送隣家憐少婦。雲
迷銀漢。悞牽牛。慙懃寄與青蓮客。詩酒今宵誰
共酬。

對景自慨兼聽隣歌

疎雨敲敲枕簟秋。洞中點易減閒愁。誰家商調
連雲出。何事清砧別巷稠。對景三春還九夏。撫
情織女共牽牛。叮嚀莫放杯中物。一任關心且

自酬

漫興

牽牛織女隔銀河。此夕相逢意若何。靄鵲架橋
通舊渚。黃姑執斧伐新柯。經年莫歎歡娛少。兩
地誰憐離別多。最苦人間長恨處。應于天上更
蹉跎。

懷友

停雲何似望銀河。午夜迢迢奈若何。遊子應驚
聲過鴈。懷人忍聽葉辭柯。奇逢天外今宵巧。好

合人間此際多。獨有愛蓮池上客。偏耽離索自
蹉跎。

訪吳我彭得遇方以外解箕鸞者

來訪行仙宅呼童未許遲琪花高近席瓊果半
垂籬把酒交情洽談心逸興奇有緣知此日更
遇解鸞箕

秋愁

緊急西風透短襦關心最是繫征途相逢試問
南來鴈曾帶秋邊書信無

秋恨

芳堤曾唱踏春歌轉恨西風斷鳶蘿燕去鴈來
心嚮往悲秋自古楚天多

客懷

傷心信是三更雨悲客應知八月風回首相思
天共遠佳人料已數梧桐

客怨

夜半聲傳何處鐘相催殘月照芙蓉西風偏入
愁人枕吹醒傷心恨轉濃

青園卽景

乘閒東墅沁清商。脉望遊仙蹟已荒。千百株松
常帶雨。兩三點葉已。經霜。艸迷曲徑。去年路。人
對斜陽。此日觴。回首傷情。南過鴈。須知時序易
相忘。

見龍岳丈與宋賈諸君契厚予聞之志喜

宋玉懸高義情真羨賈生。芸窓同進業并畝共
分耕。蠅腦輕貲貨。龍頭屬姓名。田君獲三益。珍
重弟難兄。

山行二首

曙色分旌旆。連鑣出曉闌。片霞明去路。一水渡
前津。徑潤昨宵雨。時和此日春。山行多雅况。眺
覽見天真。

停驂經野渡。餘暑透輕羅。古刹逢僧話。深林聽
鳥歌。山高雲疊障。水落石翻波。更有歡心處。家
家稔晚禾。

山行尹玄圃昆仲見過兼識鶴圃同庚

仙墅尋踪舊山莊。識契新興豪。輕百斗調合喜。

雙珍歲月君同度兼葭我愧隣形骸渾忘却簪
盍不須論

和高約我

陣陣西風送夕暉
竚看皎月滿薔薇
杯斟白水情偏洽
歌遏青霄興欲飛
滿逕秋花誰是主
一天雲色自相依
堪憐信有留馨處
遙嗅南來桂蕊馥

九日登高懷友

囊萸尢帶綠籬菊
未舒黃把酒情偏放
登高興欲狂
驅馳逢九日嚮往過三凰
杯落傷心處美人天一方

暮秋有事 祖陵夜宿大同寺恭讀

溫懿祖王壬戌之作謹和原韻

大同山寺接高峰
秋晚停舫暫寄踪
月透獅岩搖曲水
風傳漁笛叶長松
禪關僧靜爐煙細
渡口人喧岫色封
才倚蒲團入清夢
却教醒悟度晨鐘

晚居永明僧舍口占仍用舍顏 睿韻

青山竟接白雲根，盪漾清光秋色溫。
大梵殿前和露飲，山僧未許復敲門。

莫秋過牡丹亭

憶昔春光三月時，曾于花底泛金卮。
而今葉落秋多少，更與看花人別離。

酌友

悒悒情懷爲客俚，今朝喜得携琴來。
小齋有意虛前席，共話山頭看早梅。

和李無學夢漁八景

蓬窓霽月
潺潺聲急自南湍，雨過新晴透石寒。
明月滿船無所載，扣絃和調擊漁竿。

林畔曉風

招提遙傍紫溪斜，楊柳陰中太白家。
早起連雲高調出，應知風裡興尤賒。

對岸酒家

興來移棹小漁船，不訪神仙問酒仙。
酒債不須金佩解，且將詩卷典烹鮮。

音言
卷之五
三
金剛隔江車馬

山僧解偈挽慈航閒看驅馳自尚羊饒我醒來
還自醉任他日月去奔忙

遠村牧唱

和歌扣角野乘牛短笛遙聽汗漫遊莫道無腔
吹信口料應甯戚訪羊裘

靜夜鐘聲

叅罷禪機滿袖雲瀟瀟午夜寂無聞一聲入耳
神遊覺悟我當初孕未分

斷俗危橋

溪邊一木架危橋隔斷紛紛鬧市囂信是塵緣
能自靜桃源有路不爲遙

共譚片石

寥落山林未可憎由來寸碣是良朋相逢更有
漁樵話何事孤高說子昇

畚龔濂東

荆南曾爲借青氈六館他年尺五天我愧子猷
過剡曲君真安石臥山烟相逢同證菩提品設

音譜
卷之五
款寧須玳瑁筵歸向小齋方想像琳瑯何幸得
宏篇

春日漫興四首

玄宮春曉

高攬初開海曙封啟明原在數聲鐘露垂仙掌
千年栢風奏雲根萬樹松縹緲未分煙與霧青
葱相映淡和濃探奇爲問天門景此是玄宮第
幾峯

道溪春渡

潺潺一水出長河盪漾蘭橈動細波遠岬指津
隨牧笛扁舟橫渡雜漁歌忘機浮鳥高還下不
餌遊魚少更多咲語頻聯簑笠裡溪中風景樂
相過

大同春午

幾點飛紅間翠微菜田麥隴亦芳菲松筠時露
花迎面岫壑頻驚鶴逗暉古刹石爐煙篆冷前
村荒塚紙灰飛相看指點青帘外處處兒童拍
手歸

長津春晚

一日行春數問津，不如此地樂偏真。
柳低翠帳留遊客，草軟重茵待醉人。
識我相過携綠蟻，添情放釣獲金鱗。
輕衣欲透江風起，興盡歸來滿袖春。

看花

看遍山花與野花，碧桃紅杏在誰家。
大同寺外千株柳，青占江南春色賒。

江上

江上春深綠間黃，江中春水駕漁航。
曲江風景依稀似，不見江頭黃四娘。

仲春雪霽踏青城頭晚歸

東風重解江南凍，日色先臨拾翠車。
堤柳含烟低浸水，村桃帶赤遠飛霞。
橋頭留我知音客，路上迎人解語花。
乘興春遊歸去晚，黃昏燈火乞隣家。

春日獨酌

草堂幽僻少人知，把酒慙慙欲對誰。
獨有簷前

花共醉綠楊深處隱黃鸝

閏三月三日謁彭山書思王祠壁

彭嶺千秋秀澧陽登臨喜值閏韶光一泓水漱
林中綠幾陣花傳谷口香訪舊扁舟橫古渡仰
高片碣播遺芳甘棠不盡黎民思愧我因風想
盛唐

春日仰高亭落成侍宴承

旨和壁間王玄璞韻

谷口千章景幾重西來山勢若蟠龍主人覽勝

彌高處正是三凰第一峰

扶疎夾道盡冰姿梅豆風敲落小池遲日初長
天氣好一般佳興有誰知

徑曲居深總暢情南依樓閣北依城相看指點
超然榭人在清虛境裡行

月吐東山送夕霞蒲牢聲近是仙家恩濃景勝
輕吞海醉看碧桃千樹花

戲嘲友人用唐人隣歌詩韻會意

看花花自怯春陰欲折猶妨根蒂深空對花枝

惜零落花心應未若君心

邀高約我

小園別是一般春竹有新篁松有鱗乘興若來
清共賞此君爲侶大夫鄰

過庭見吳我彭壽 睿誕詩用韻志謝

晝長綠樹鳥和鳴樂滿江南歌滿城田野應時
逢澤雨園亭初夏正微晴舞斑喜惹雙親咲設
醴常虛二老行白雪新裁春在面盛唐重見寔
昇平

和吳我彭韻仰高亭對景

梅子黃時螻蝻鳴玄園綠樹倚青城相逢共愛
前宵月好會猶歡午後晴把酒詩成豪酒興登
山莎潤碍山行忘機麋鹿來成隊不話漁樵見
太平

初夏高約我昆仲見邀侍宴恭和 睿韻

梅熟初停雨光風此際開鳥歌如調咲鹿陣動
塵埃睿藻雲霞麗賡歌襪線才主人情意重還
許與相隈

仲夏三日子姓邀同侍宴登樓視江漲
 共上層樓望江流渾接天雲低疑漸遠波吼勢
 如懸孤艇無依岼荒村絕起煙酒闌何所思願
 吸海同乾

惜蓮

亭外石盆蓮今年華且茂先開兩三枝偶遇風
 雨候花若向人憐我愧無伎救早起看來遲辦
 落花肢瘦

五日謁彌羅閣

朦朦曙色覲彌羅羅拜罷憑闌極目多千樹奏風
 瞻北闕一江泛水出西河雉城疊疊雲煙鎖凰
 嶺啣啣麋鹿過才縛五絲成令節歸來稱壽賞
 新荷

仲夏壬子大潦澧西一帶傾圮不常晚眺
 城頭因紀之

才依杖履過西園更上城樓望石門水自九谿
 來遠派地隨層浪見新痕村居未許今宵夢孤
 艇應消昨夜魂喜得夕霞開霽色免教兒女哭

黃昏

午夢

披衣靜裡惜蓮花不覺神遊入夢槎香動襲人
來太液花開邀我過仙家六郎並立華雙蒂西
子爭看散晚霞顧咲自知天上事醒時還賸興
無涯

素園觀舟卽事十五韻

霖雨初晴日西園水滿池蛙喧青艸曲蛭細綠
楊枝競渡鳴絃疾爭標履岸危泛舸情已洽席

地輿偏宜沸沸笙簧應叢叢冠蓋隨高歌雲外
度短棹樹陰移解醒初薰過騰懽兩岸馳波文
風裡篆涼意雨餘披綠蟻浮金竿紅榴映碧醅
綵纏分舞侶饁剩犒舟師君樂謙光霽賓佳雅
致奇芝蘭陪咲語葵藿向雍熙城角傳輕暮溪
煙澹遠陂載星還載月催酒更催詩勝事西園
最何須問海涯

有贈

晚涼誰作夏爽氣不爲秋月出穿低柳薰來透

小樓縣知君洒落尤愧我風流更有何哉在無妨佐酒籌

池成稱觴

掘山成曲水引水駕雙船溢岸昨宵雨宜人今日天歌翻金縷細酒進玉盃連近覩親顏喜心知菽水緣

觀雲

新月眉兒重青天日子窮一時開翠幙萬丈起蒼龍高聳蓬萊島巍峩堦率宮風來河漢外依

舊月天中

對雨

雲中電急走風裡雨相催蛙鼓聲岑寂螢燈焰暗危熱從中伏甚涼到夜深宜爲問滄浪水朝來儘兩池

看月

晚涼簷底坐初漏角中傳雕玉弓弦滿磋珠彈顆圓蔽陰荷蓋下透影畫簾邊坐久身侵露更深意懶眠

乘風

六月暑逼人，有錢風難買。
臥聞枝籟聲，坐起衣裳解。
陣陣南熏過，徐徐微雨洒。
相忘寐與興，詩成作小楷。

暑中戲作

亭上看蓮花盆邊摘蓮戩，
花底自躊躇。美人共我立。

不做周公夢，偏看李白詩。
午窓無事攬花下打蜂兒。

枕上神遊外，相逢太液會。
不問忙與閒，此生樂爲最。

茉莉正開繁，香潔真可愛。
一夜乍經風，花落留人戴。

看雲更看雨，說風又說月。
詩成暑自消，何必坐片碣。

人憚暑日苦，我愛暑日長。
日長對李杜，酬倡傲羲皇。

人困暑早臥，我起踞匡床。
早涼平日氣，汗不濕。

衣裳
人怯暑不寐我寐夢相忘覺來橫枕坐虛白對
瀟湘
人罷暑中飲我續河朔芳大飲三百斗醉境轉
清涼

嘗新

曾看農家春日耕西風轉眼報秋成籍田應已
徵嘉瑞率土須知共太平五廟薦香登玉粒雙
親娛彩當青精艱難還憶閭閻苦飽煖期同俯

仰情

閒放

雨餘高臥枕清涼手卷詩筒想盛唐睡着醉逢
李太白醒來驚看賀知章南山雷隱開斜霽北
海風過壯半牀點滴才收簷下注朦朧欲滿檻
前光蛙藏澗底呼流水蟬在枝頭挽夕陽四處
相聞頻不絕傷心何事恁般忙

夏日卽景廻文

宜我對薇紫滿樹料來誰意得人知詩腸斷咏

音言
卷之五
休心論酒興豪思却會奇厄入味香花過雨月
浮光色水添池時涼解困蘇風好日樂尋芳盛
夏遲

絡緯

絡緯聲急短墻傍喚起閨中少婦行明日立秋
風色緊催將機杵理流黃

李無學以七夕禪居有懷疇昔之作見投
用韻賦寄

昨宵與客眄銀河牛女相逢擲錦梭雲雨恰成

天上巧麴藍寧散會中魔空堂秘簡酣清趣小
墅蔬盤肯暫過回首裁詩同待月可堪風景隔
年何

與客對瓶花

小小烏頭綴短瓶幾枝歲蕤傍丹青棠榴自是
多顏色蘭桂偏然有素馨何必尋芳煩拂擷且
須偎景共評訂與君契合偏成趣靜裡相看酒
易醒

中秋先日稱觴值雨

玉露和新釀。瑤臺極斗。巍輕颼寒挾。續細灑濕
斑衣漏鼓聲。聲遞螢星點點。飛素娥來日約。此
夜暫相違。

侍駕登臺

三層臺殿覺巍巍。命駕登臨月正輝。節度不須
乘幕興真人。何必闡玄機。璇霄光徹。心情爽寶
鼎香浮。酒氣微。玉露夜深盤沁滿。年年捧進舞
斑衣。

得月行

架臺相賞中秋好。嫦娥不遇人煩惱。原來阿母
赴蟠桃。因此廣寒清悄悄。只恐天機泄。世間重
雲細雨圍仙島。今報到歸來了。纔看玉盤開試
把琉璃臺掃。亟登臨處相逢早。冰輪銀鏡何其皎
忙陪咲語。情懷剖。昨宵前夕愁多少。煮香茗罷
須揮草歌成。尤喜漏聲長。零露何妨濕羽葆。

偶占

噤噤度高征蕭蕭。步短楹露凝。風乍冷。夜靜月
偏明。有思寒蛩緒。無端木葉聲。躊躇還嚮往。心

音言
卷之五
其斗參橫

月夜
睿什遺諸社惟李孝廉速會余因

續貂

景物中秋好嫦娥步影隨德星高處聚睿藻座
中移刻燭詩才捷呼盧酒興奇相將倚靄灑明
月正開時

萬壽朝天

雞聲唱徹東方曙豹尾旋齊北面班萬國一時
瞻帝座千官三祝效嵩山絲綸疏寵來金闕

圭冕尊親近玉顏一片紅雲天尺五有緣身在
鷺行間

與繼樂聯句

茶採天池水惠泉共君啜盞話清煙一物分名
罷雙奇產人是蓬萊一謫仙繼樂殘月度雲猶
自媚晚風落木更堪憐一好懷無奈群鴉噪繼
樂洗耳應爲不解禪一

寒露前日西城野適

秋思聊野適暮爽動輕寒隴外蕎初白溪邊蓼

獨殘懷人山色遠悲歲水聲湍回首飛霞處歸
鴉過淺灘

層臺晚眺

日暮山城紫翠浮輕寒乍動欲添裘長天鴈陣
驚秋色遠浦漁歌斷急流沉瀆祇教盤沁露朦
朧疑是蜃爲樓從來攬勝宜高處萬里能教一
瞬收

苦雨篇

王心憐苦雨命賦苦雨篇今年雨何苦一雨輒

綿綿涼侵三伏熱陰霾七月天昨值中秋節姮
娥雨裡圓斜陽間村照漁蓑曝未暄市炊悲桂
玉樵蘇未息肩爲問農家事將言心轉剪場圃
禾生穗禾穗多作烟種得粟與菽野草何芊芊
未許曾芟薶盤根蝸吐涎縱有閒坵土泥深怕
着鞭東南人更苦春漲仍相連馬牛蹲踞地于
今盡泛船野外權聲斷城隅室罄縣書卷遭侵
脫衣裳似接擱到處屐音折人家屋瓦穿誰翫
秋宵月那看上苑妍木茵叢重發決明顏色鮮

惟
有
枝
頭
果
飜
令
得
味
全
幾
足
療
饑
餒
空
教
顙
顙
聯
夜
來
高
處
望
螢
火
遍
空
燃
照
見
民
愁
瘼
蒼
天
意
若
憐
憶
彼
兩
岐
麥
嘉
禾
同
穎
年
五
風
兼
十
雨
造
化
何
其
偏
長
歌
聊
當
訴
更
莫
太
陽
愆
願
此
仁
者
心
作
補
天
漏
緣

送李無學遊玄岳

登
高
宜
九
日
况
復
捫
天
行
江
漢
秋
容
淨
衡
嵩
大
陸
平
着
屐
凌
雲
會
題
詩
白
雪
名
凝
神
昭
格
處
應
鑒
北
堂
誠

曉發

曉
發
清
江
上
紅
雲
擁
郡
西
扁
舟
搖
剩
水
遠
樹
鬪
飛
靄
疇
昔
春
光
早
重
來
秋
色
齊
酒
家
何
處
是
還
問
杏
花
溪

秋
日
承
胡
元
龍
遠
過
以
續
春
時
之
約
小
臺
薄
酌
卽
席
分
韻
得
五
微

相
識
春
花
老
重
來
秋
月
輝
訂
盟
堅
序
令
題
字
落
珠
璣
莫
放
杯
中
淺
還
談
塵
柄
微
從
今
聯
鼎
澧
蘭
芷
日
依
依

音譜
卷之五
睿駕幸繼樂灌蔬亭隨賜篇什依韻用贈
灌蔬池有水題字得名亭偶幸車乘興難堪錦
作屏恩隆移翰藻地靜醞爐馨知爾勤渠素捫
心喜弗寧

生辰蒙 睿賜詩恭和

德澤生成已戴天懸弧此日愧陳筵蘭階菽水
杯纔進桂殿雲箋恩早傳但得盛時歌湛露願
將彩服舞延年天倫已占人間樂同社賡歌住

世仙

時和洞天歌

冬月初晴晨起玄園栽桂欲結亭榭

霜風乍冷曉鴉過啼散彤雲天色醜樹樹連根
移月窟團團插漢蔭山坡清虛已覺寒難勝爽
霽偏令景更多亭榭結時凌玉宇頻開青眼近
嫦娥

性方丈
上元諸友爲予祈嗣東岳宮展拜後書緣

載道懽聲動上元喜從輕蓋駕輶軒泰山峻極
思前澤澧水悠長啟後昆詩酒社盟同雅調芝

蘭臭味共心論幾番覽勝蓬壺裡此日重來贈
一言

和李無學昌年四樂

千燈吐焰

寶燭飛霞夜青陽正一元光聯星斗燦巧駕羽
鱗翻咫尺鰲山景依稀金谷園貪看隨興去迤
逗豈耽煩

一鏡分輝

記得中秋後同居話半宵迷雲憐好夜怯雨憶

今朝際此長空靜偏宜樽酒邀懸知關德化那
在歲時謠

九衢絢綵

沸沸笙歌動飄飄景象同瑩驚雲母帳麗訝蕊
珠宮共羨千門樂誰譏一粒紅漫遊翹首處
點勝天工

億姓歡遊

咲語連中外耄倪總是春踏歌聲不定遊女路
難真漏鼓催明月衫襟逐暗塵市城依舊俗人

物一番新

惜春

辛亥春予抱病月餘春色滿耳不覺自
厭每欲形諸吟咏以解此苦而醫戒勞
心遂爾杜口病起散步小園景物頓覺
不同嗟嘆良久乃拈筆紀事無論韻與
句矣

病裡春光四十五未見庭前一尺土花紅柳綠
不相關試看東君誰作主茶花好杏花早還問
海棠多與少垂楊萬樹總繁繁反與愁人增煩
惱十日春光發日晴枝頭睨睨有倉庚應知花
鳥爭春艷可惜春歸人未評才到山房物競華
牡丹有意待東家相憐未許頻吞酒且對芳辰
漫啜茶

霽月卽景

梅雨初晴夜銀蟾乍入扉洞簫凌玉宇茗椀映
清輝雲歛天階淨風徐暑氣微蘭香過夢枕蓮
氣襲襦衣

豪放

去年五月朔今年五月望風雲入咲譚珠玉相
酬倡斗酌蓮花居綾償金縷唱兩年五月間自
許稱豪放

夏日作

曲檻問荷花荷花嬌不語爾蓋何其疎爾實無
以咀不能解我言綽約空相許看看動晶簾瓣
落添淒楚回首問薰風薰風任化工不祛我炎
熱偏起塵囂蒙才入羲皇枕蟬聲聒耳聾飄飄

捲衣裳雲物擁阿東風去過西池寄問西池水
水深舟可通未得同相艤記得去年時池邊惟
傾兕勞頓與優游安逸復多否否泰何所求相
謂病與愁撫情思往跡對景觸心頭披衣邀上
客客過意綢繆釘鉅字幾個烹啜茶一甌啜茶
細論吾心事因何若比去年異客曰景物一般
同爲君抱鬱心自二斯言頓教懷抱開懷抱開
時愁病摧美人忖度得我情我將雞酒酬美人
夏日高約我寄詩賦和

音詞
卷之五
四
耽幽岸幘愛蓮居逸興還慚腹笥儲裁字喜從
銀鹿寄披詩頓使赤龍舒羨君剩有風流趣嗟
我難將涸轍噓杯酒不妨河朔會相逢傾倒解
衣裾

李無學從友人處寄問復詢

昨從同社緘得君書一紙未見君顏色已沁我
心髓憶彼三五宵荏苒六月矣病夫愁自愁謫
仙喜自喜杳如隔銀漢安得涉清泚快哉河朔
會千古袁劉軌譚詩飛白雪投契聯葛藟甚暑
失炎蒸滿座富冰水我來訴枯腸幸遇四君子
不作悠悠人貽句托雙鯉豁目郇家雲名言桂
下史蓮居薰風來香氣襲羅綺閒晒郝隆腹精
討濂溪理潦倒苦彈丸寂寞何所似逢人曾寄
言寄言想入耳安得會同心瀹茗當四簋

和李無學

祝融方肆燄一雨頓生涼天外芙蓉翠亭邊菡
萼香捲簾清可掬搦管興何長詎意垂竿處飛
翰更不怠

龍詩
卷之五
四
夜來月滿樓清虛擬素秋懷人驚鶴喚之子夢
漁遊曾約芳樽共旋經大火流錦堆芸案上盡
是蜀江妝

早夜喜雨和李夢漁韻

昨宵明月碧天高夢裡披襟覺暑逃聽雨已消
愁一伏讀詩那得嚼雙螯蓮池應喜無傷藕禾
畝須知勝架榘造化分明成大有功歸自是守
君豪

南窓臥月

纔過觚稜一線長看看透滿碧紗牀風微簾動
分清影夜靜花開襯淡妝醒眼不驚巫峽夢閒
心自覺水雲涼曉籌頻報疎星伏光合曦靈尚
臥望

寄興

窓外月光滿枕邊蓮氣香側身望明月披襟摘
實嘗

關山一片雲帶過數行雨更有南薰過三伏不
揮塵

蛩聲何太早應使隣家惱試問少婦行寒衣搗
未搗

野適

才到園亭暑氣摧偶然相對紫薇開看花觸起
去年興遣興尤慚作賦才雲暗雨過七八點林
深夕照兩三回枝頭囁付啾啾者聲急無教秋
早來

閨詞

秋色橫江水色悠望中脉脉轉生愁成陰楊柳

君休折夾岸芙蓉妾自羞幾種離懷憑默訴兩
行別淚應空流有情祇爲無情惱只恐他年吟
白頭

牛女詞

年年逢七夕枉費斷腸詩一歲一相見應知無
盡期但隔銀河水何須嘆別離不比人間侶花
開花落時囁付長吟者從今可罷思

七夕結綵拜星

七夕結樓望牛女相逢牛女同銀渚原來銀渚

音譜
卷之五
有津通從今誤信人間語河頭喜得遇黃姑黃
姑曾爲羨懽娛朝朝暮暮鎮相見靄鵲架橋有
也無郎在河南妾河北兩意綢繆心自識一年
一渡世爲遙天上尤如方一息茂叔先生性嗜
蓮此番共翫碧雲邊天河種得荷花子十丈花
開藕似船牽牛牽袂強傾兕織女織字羅裳裡
叮嚀指與繁華人從今塵世休相比記得今年
乞巧時來年送與麒麟兒彩衣爲壽雙親樂不
負今宵有意期

七夕竹谿社友聯句見懷屬暑困未及答
適聞夢漁子有大梁之行訪阿叔李光素
憲伯用韻奉餞四首

鵲橋誰惜別君馬亦駢駢路向大梁去情聯二
阮淳殿暑蟬頻咽賓秋鴈幾巡奚囊饒氣象到
處有陽春

召南勞憲伯稱戴古時郇德澤提封滿親賢禮
數真館人具鼎饋津吏脂車輪負弩非邛令逢
迎雅重均

計過鹿門去同心道自循黎司理為君莫逆友故云山川形

勢壯耆舊德誼純蓮落秋光冷禾登歲事臻二

南因拭目風氣總如函

前路人多識投情似飲醇驅車還過葉合劍自

逢津別思停雲久歸期握手諄嵩峰峙大路相

送意先遵

和李無學暑夜園亭留飲費伯鴻太守之

作

使君清暇欵良宵選勝城隅路不迢五馬鳴鑾

蓮外度雙旌飛隼竹間超論詩懸解神逾王對

酒迤禪况若蕭具美有人能倡和浣花誰隔錦

城遙

伏覩 睿製以十二月咏五七言絕句二

十四首取于上下平韻也謹效輦賦五言

口號十二韻每入藩園堂庭之顏亦逐月

卽事云

駕山鰲有六扶輦鳳來雙小式千門慶騰懽樂

善邦 樂善堂

姑射名花富芳菲
值此時主人評翰墨
詩料不須思
姑射山房

曲水滄浪外
流觴傷翠微
韶華多樂事
頻看醉扶歸
滄浪亭

嘉慶清和月
祥光映壽居
階前兒女戲
八百自今初
嘉慶堂

競渡三湘勝
皆陽歌舞孚
客來頻擊楫
浮白更呼盧
皆陽亭

河朔芳聲久
碧筒綠正齊
愛蓮怡子志
命駕小

齋西
愛蓮居

讀賦憐蘇子
貪遊赤壁崖
同人乘畫舫
風月滿

襟懷
畫舫

百尺層臺架
蟾蜍可接陪
嵩呼瞻北闕
拜舞拱

辰來
拱辰堂

富貴秋偏得
繁華不讓春
延年仙子事
漉酒不

須巾
延年廳

陽春還大地
名利逐浮雲
仰高幽賞處
三友屬

情殷
仰高亭

靜觀叅造化飛躍贊天工忽驚添一線自得此
壺中

靜觀亭

早有梅花信超然度一峯携尊踏雪霽詩酒好
相逢

超然亭

費郡侯公餘興溢命畫史按月作花十二
幅以收一元之景四壁芳菲滿腔雨露不
窺園而識化工不出戶而知天機愛蓮子
聞而喜之因拈後平十二韻各賦一絕小
卷博咲

木筆

青帝臨東陸花開獨占先應知迎淑氣移種畫
堂前

海棠

曾聞棲鳳鳥不臭勝嬌嬈那惜金貂換相看銀
燭燒

牡丹

品題應第一富麗更誰消曉露凝香處詩當對
爾敲

簷蔔

卽梔子此花六出

天然呈玉質六出占花豪好作芳蘭伴留詩續
楚騷

石榴

綠林初噴火映日醉顏酡休爲紅裙妬長留助
浩歌

蓮華

十丈由來異千尋度太華濂溪今有屬淨友共
君家

芙蓉

盈盈江水上澹澹對斜陽漫說秋容冷芳名擅
拒霜

木樨

三色從天種蟾蜍長共生天香飄世界承露作
霞羨

周盈

九月東籬下寒花分外馨莫辜元亮典把酒對

丹青

音韻
扶桑

海日初烘盡飛霞曲檻凝橙黃與橘綠相伴總
良朋

山茶

開已冒霜雪吟堪鶴頂球蜂媒未許近幽賞醉
瓊樓

梅花

歲晚傳春信璫枝不待尋元來調鼎實先有玉
爲心

秋歆益甚小齋不能居止過庭伏觀

睿製上下平韻十二月詩二十四首以紀

一年之樂不勝鼓舞暑從遯矣乃效顰十

二絕已用上平十二韻費郡侯命畫史製

花十二幅以收一年之景予乃取下平十

二韻按月各題一絕以寄兩平中尚存六

韻俄而夢漁子見寄清高亭偶興六晉意

相孚合因探其奇步五言六絕共成一時

之興

音詞
卷之五
潺湲一帶水總是夢溪源長流聲不息靜聽可
澆煩

夜沉驚客夢積雨過溪灘濠濮非非想吟哦心
自懽

遶屋憑環水當門便見山一聲千谷響此際了
如閒

聲從風裡得景向霽光探興來詩有句閒裡問
瞿曇

已聽山音淡又聽水音纖呼童架茆屋終日坐

低簷

愛蓮不識味漁隱已超凡但有會心話全憑紙
一緘

秋日繼樂登彭山代祀紀勝四首用韻賦
和

攬勝從高處依依山便望峰巒稱秀麗祠宇仰
忠良樹綠煙如韞風恬雲自藏千年留思字不
必數甘棠

名擅西山裏曾遊三兩回我還俛暑臥君已探

奇來爲則王言重猶憐赤子哀應知綦履處不
必說蓬萊

迎旭頻回首遙看城若環登臨心已靜想像意
如閒振衣青嶂上濯足碧流間莫問人間事漁
樵屬意殷

貪看綠霏微渾忘暑底暉水向天門出山從八
凹圍吟詩驚野谷解渴扣柴扉華藻慙懃寄賸
酌恐故違

應 旨恭和洞天主人歌

天風盪漾吹華屋中喜君王承戩穀夙從齒德
懋達尊更謝人間塵碌碌拱辰亭上忠滿懷萬
卷樓頭書嗜腹玉壺泉吸滿甕清分向堦前灌
蘭菊綠綺携來月正明橫膝長吟倚修竹賞心
已越太古先遊神更遍五岳麓感慨不爲軒冕
交逢迎但侶芰荷服椀茗杯酒供笑顏陋彼世
人惟食肉山房成趣碧牕虛滴露研硃標易讀
洞門歲月久綢繆任教風雨來還復機息能令
伴野鷗草豐宜聽鳴羣鹿移舫擊楫滄浪邊褰

音韻
衣策杖千章谷四岢行樂總如常那問夏涼與
冬肅二難四美兩宜人塵囂半點焉容逐見到
心閒儼佛仙四大不驚何寵辱

夢漁有喜雨之約因往灌蔬亭未果乃以

詩詢之

有意來嘗雨多情去灌蔬煮羹知有味啜椀料
無魚太白能耽酒濂溪空寄書悵然翻漸遠秋
色滿庭除

仲秋一日李夢漁携樽見訪邀繼樂郭景

璞同酌尚雅齋卽席賦謝

好雨還清霽携樽過小齋桂花胎上苑蘭氣散

幽階已邁三生幸猶開八月懷

是歲却酒此日方對客

月

圓時可待詩酒正安排

漏鼓聲仍急燃燈話夜齋興豪詩促酒露冷蘚
凝階未問明朝事須憐前夕懷愛蓮同社雅聯
句不妨排

仲秋十一日洞天召宴宗親登臺泛舟恭

紀三首

洞天訂雅會好節更相逢服觀仙人製歌披
睿藻濃上林開早桂高處奏長松首重天倫樂
賡訓效華封

臺榭連霄漢登臨景象重曲橫吹短笛野曠度
疎鐘玉液流金竿青娥斂素容芙蓉無復掌湛
露已知濃

命駕池亭上承恩畫舫中翩翩看舞鷺嘹唳聽
飛鴻水曲聲來細雲輕月漸朦滄浪煙色動鬱
鬱益青葱

同社友駕舫既而登層臺和無學韻

明時雅會小華陽彩鷁先浮拭水光有約登臺
酌酒佐多情適興括詩囊潺潺儼聽河源漱馥
馥還分月窟香分付臨高賞者盡開談笑未
須忙

層樓高歌佐酒雲散月明志喜

吳歌越調徹層臺相約嫦娥笑臉開徐動簾櫳
欸瑤佩天心捧出玉盤來

過庭費郡侯見投佳什依韻勉和

音言
卷之五
一天秋色映涔濱向月吹墳獲石麟好景況逢
多勝事層臺更結敞高旻樽開細論交情重調
和先貽得句新午夜莫辭袍錦濕還須灑露款
嘉賓

月夜蝴蝶

月下來蝴蝶相看拍翅忙何來秋色裏應愛桂
花香

李夢漁有大梁之行雅集灌蔬時余齋居
不能叙別來什見懷用韻賦寄

黃花雨裡點秋裝爲我懷人向大梁蔬圃重陽
漸入雅竹溪七夕已成苾會中自拚千巡酒居
裏惟憑一瓣香海內弟兄君契半何須連轡憶
家鄉

九日齋居小園黃菊先開偶見高約我憶
菊詩因和韻并菊柬之

小園幾種播芳孤點綴枝頭湛露珠閒裏看花
偏興好個中了性覺禪逋已從攝靜披金簡不
必登高佩紫茱知是陶潛能自悟鐘聲一徹聽

麼無

周鹿野見投諸作因憶齋居未能共對佳節遂用夢中琴操韻畲之

已有神交友何勞手播絃秋聲雲外度好事夢中傳聚首才三度重陽又一年爲耽玄裏趣辜負菊花天

重陽後二日繼樂灌蔬亭雅什賦和

淒淒風雨已秋狂何事東籬不吐香灌叟有情同咏汶謫仙多舊已遊梁坐中取靜叅神化案

上因詩動怪光可待開關才泛酒呼童且自貯
萸囊

日來齋誦彌羅閣及回蓮居見案頭所接諸什令人應接不暇喜而賦此仍用周韻
有心叅大道無復夢朱弦騷雅牕填積玄機默獨傳節中偏應九花裏擅延年需淡知真味乾坤一洞天

和李夢漁九日歌行

才看上元燈又賞中秋月相聚兩番時詩酒同

君發那堪屈指便經秋那能儘日叙綢繆曾道
尋常杯酒事何須更復擇良儔狂來龍山說落
帽興致夢溪終可到載酒扁舟問老漁青篲斗
笠吾皆好東籬已說傲嚴霜冷淡今年不吐香
知是主人將遠別黃花空自斷柔腸我名漸向
人天隱接得連連才子韻步韻胡期數太高高
聲驚值神仙郡鍾離先生出草廬純陽仙子咏
偏餘二人談笑須臾去明月清風仍滿除拜罷
彌羅歸去早詩筒權把伴黃老陡然意氣正相

孚拈筆歌成覺潦艸淨几明牕性自然氤氳噴
鼻鴨消煙清心屏俗居齋次一語一事對聖賢
閨苑蓬萊只如此忘形忘物無吾爾真詮大道
此間明不向干支問生死君將遠遊愧執鞭數
語聊將行李褰從今依依翹首望青天何日歸
來聚酒筵故鄉常念心休偏噫吁兮應知探奇
寬眼界詩囊括盡三千與大千

秋日齋居籬邊看菊適朱廣文製蘭浦春
霖册爲費郡侯贈携索鄙作而夢漁社丈

音言
卷之五
以閨風玄圃歌三十六韻見示因會意拈
筆成歌時聞郡侯于周氏園亭雅集諸賢
吾社繼樂寔在客坐向席間東之博笑併
入三十六韻仍效栢梁體

今年秋陽涸井泉紅塵滿面飛腥羶神明太守
禱山川一禱輒令雨綿綿雨爲吾民解倒懸仁
聲德政人爭傳仙居先生坐青氈畚然倡首栽
雲箋春霖蘭浦旨新鮮洞天主人叙精虔應使
他日筆如椽教人一目珠如聯我將瓦礫混雲

煙尤慚拙句意欲遷偶報峨阜寄長篇從頭請
罷紙如然原來情爲故人堅董郎南去政初宣
楊郎北上始朝天徒教想像難攀攀邇方持齋
向佛前彌羅閣上且叅玄皈依非是浪逃禪靜
觀偶到東籬邊籬邊珠蕊尚未妍黃花霑潤典
轉偏移來一種若相憐憶晉陶家乏酒錢採來
盈把貞自全倏爾翹首東北焉青天白鶴舞翩
躚周家池館多因緣德星相聚酒星牽池中有
水水漪漣水中有魚放釣船釣得魚來供玳筵

音譜
卷之五
太守今朝款社賢吾家幸有美少年
摘詞擷管兩皆便應知此際酒循還
一觴一咏那能專推尊太守誰竝肩
依依望處意拳拳白衣不見空流涎
漫駕扁舟歌扣舷聊將此語佐管絃
任教吹出如潺湲可愛今宵月正圓
好歌湛露莫須眠陶然直與太陽旋
吾當稱作飲中仙

坐赤松堂

旭日穿松入座來
蔬枰茗椀且徘徊
黃冠有意頻移席
青眼何人獨舉杯
辟穀漫思仙子蹟
題

封自是大夫材
登臨不盡凌高興
一目關山次第開

九月廿四日隨駕山行恭和睿韻紀事

爲尋僻逕踏霜行
陰木迤藤古路橫
深處鳥鳴人跡少
澗邊沙軟馬蹄輕
玄宮到處堪題話
黃菊畱叢似屬情
欲續登高何限興
翠微雲裊午風清

纔向仙宮秉赤誠
孝思隨望祖園傾
爐煙縹緲松煙合
芝彩繽紛菊彩生
遠却市囂憐淨土
高

音言
卷之五
占玄闕稱佳城楓林紅色花相似停楫漁郎似
有情

去年此地爲行春今日冬遊再省巡老叟杖藜
看蓋羽兒童騎竹拜車塵渡頭呼艇催沽酒網
裏拋魚待買薪只此勝遊堪落帽風流偏稱愛
蓮巾

蘆花飛舞玉爲塵輕送遊人澹水濱車緩未能
追逸足江澄偏可泳游鱗何來歸牧閒吹簞是
處停橈罷采蘋容與不知天欲暮昏鴉幾陣遶

城闌

登關山

更上岩堯道凌高且駐驟雲消明疊嶂風細淨
晴嵐古廟松長護奇踪酒半酣自知閒裏趣山
壁寄叢談

九月晦日繼樂橋梓之停賢渡修理莊舍
見寄鷄黍并佳什四律其題曰瞻巒洞天
曰有懷蓮居曰夜雨新晴曰林巒暮色因
用韻賦畲

大家胸蘊筆如椽採料狂歌頽假緣渡水隔塵
堪避世登山極頂可攀天心由忠孝頻瞻望意
味清閒且復連才駐一沾無所事漫將詩卷杖
頭懸
渡口停賢幾駕舟臨風相望白雲稠田園荒蕪
因閒葺名利奔波若懶求新釀香蔬懷社友好
懷幽況過心頭歸來貽句神如逞不必山中更
探搜

古刹傳聲山谷清起看曙色半坡明逢僧祇問

平生勦看鶴從教江色橫把酒不須重插菊題
請侑必更登瀛依舟式憶歸帆語感慨翻驚戲
綵情

同君前日履嶙峋此日君行却寄人橋梓興豪
山有色漁樵契合語多詵綠坡篆出三重錦紅
樹繁過二月春回首野洲巖落處渡頭應是藉

迷津

孟冬朔吳我彭携樽見過侍飲卽席賦

燭搖雙影入花闌疑是清輝伴數竿此際周盈

方富麗一庭大雅足盤桓詩籌頻罄杯中物笑
語全消冬日寒四美更兼賓主契寧慚句拙賦
推難

孟冬三日籬下同諸社雅餞李夢漁用扇

頭董閬風韻

行望君家腸幾迴清樽端爲遠遊開高燒銀燭
憑更永式看籬花助興來二刻先貽飛白雪大
梁此去近烏臺蓮居未忍輕離別須盡今宵酒
數杯

夢漁小洞天歌爲李無學賦仍用洞天歌

韻

夢漁溪上漁人屋漁人志道不志穀却喜綸竿
傍釣磯席分鷗鷺眠沙碌濯纓濯足恣所如洗
耳還看頻鼓腹有時歌曲採紫芝有時對酒簪
黃菊有時放艇凌暮煙淼淼長川然楚竹好奇
有興握皇虞占勝遊心長林麓我聞先世司馬
公星辰之履麒麟服精忠報國成元勛未比時
人徒食肉至今榮謚高康和簡冊昭回俱可讀

君今通籍筆干霄。箕裘事業應。允復雅志寧知
豈在魚。祇是心閒罔奔鹿。公車起對已。夙期蓑
翼搏風振幽谷。金馬門前魚佩新。聖世國禎
良重。肅雲龍風虎際。昌期鵲起鳳鳴相徵。逐尚
父曾在渭水濱。古來漁人名不辱。

枕思

漏聲漫數夜何長。有事關心惱亂腸。鴈叫應爲
傳客信。蛩聲空自向人忙。吟成百首情還劇。悟
覺三乘夢轉忘。籟動無端頻入耳。乍寒應落滿

天霜

冬初有雨若春晴。牕之餘。睿製積書癡
一章大爲楷範。愧不能和時。王玄亭憲長
取道過澧。夢漁子適有梁行。俱爲此雨暫
阻。愛蓮子兀坐長夜漫賦一首

窻前夜雨亂芭蕉。滴散閒心意覺寥。欲識舊知
羈旆久相違。社雅憶途遙。鐘聲疎度黃昏寺。漏
刻遲傳寂寞宵。積德積書親愛重。却慚無句續
全貂

自酬

漏滴夜偏長
心閒夢覺少
性嗜菡萏花
心憶麒麟草
名利任他忙
詩書空自老
有酒漫相斟
且須省煩惱

睿示窓前霽月燈
下瓶梅三題謹應教依韻

素練長空靜
牕明映案書
砧聲遲里巷
蛩語入庭除
那愛金縷唱
尤憑錦字舒
深恩慚有負
無句咏方諸

偏向人成趣
翻然不戴星
近香頻拂袖
疎影漫搖櫺
不惜情爲賦
寧將玉作瓶
篇篇披睿藻
釘餽愧賡吟

悼妾行

洞天主人時製遣
妾行愛蓮子效顰爲
悼妾行以博知音者

式向籬邊看晚花
晚花傷樹樹棲鴉
臨冬剩有西風緊
吹出東西兩妾家
東家鼓樂鬧喧嘩
西家鼓樂亂如麻
西家有妾從輿襯
東家有妾附

兼葭我便東家來作弔我便西家來拭笑或問
顛倒死與生我便從頭說孔竅君不見西家夫
子悼妾亾從來有死何太殤若得因緣夙不斷
來生尤可續鴛鴦又不見東家妾嫁自主張寧
虧名節喜洋洋當初曾偃夫君愛而今別戀少
年郎妾敢訴君休怒夫君存日同衾寤可憐蘭
桂竟蕭條青春枉自空耽悞夫旣故我痛怖願
言長把真節顧二天之靠賴大娘大娘終始無
忌如同飡同服不知秋光陰疾速鳥和兔豈期

天道降不祥大娘一疾登冥路依倚栖遲無自
有妾家必竟難自守東隣曾解結親歌西隣曾
見會親酒只恐居諸奈老何願從鷄犬隨飛走
誰知此念一萌時紛紛直出媒人口妾今訴盡
幾番心任他比作包皮狗伐柯伐柯無情斧因
何獨伐朽與腐原來朽腐一受傷枝摧葉落根
出土一斧傷去蔓與虺二斧傷去骨與血怎禁
三斧太傷多砍斷枝頭堅與節構室構室當擇
處娶妻娶妻當娶女休憐姿色不憐心他心未

必一從汝有子何須更髣髴無子娶時當鬱鬱
如何一娶便成行枉與他人作奇物花家有妾
能換馬党家有妾能便捨捨人換馬再從夫不
如夫前死却雅此心匪石石難展此心匪席席
難捲妾心可比水之流決東決西憑宛轉而今
世上貞節少此輩狐鼠何足較遣妾行遣妾行
洞天主人歌早成蓮居感慨重交情也隨筆研
效顰爲世鳴

十月既望

銀燭年年此夜明天街如洗冷還清流螢幾點
憑高下過鴈成行任縱橫赤壁後遊千古事黃
花重賞小春情殷勤試對庭前柳影瘦枝斜歲
月征

初冬西池汎舟

經霜秋葉似春花倒影池塘亂落霞畫槳擊空
頻有韻青城當晝寂無譁芙蓉風細迎人笑楊
柳煙低欲自遮乘興漫遊無所事倚闌酣對夕
陽斜

音言
十九日夜待月月至更殘

庭前幾度望清輝。纔覺輕寒便濕衣。戶牖透光疎檻動。枝稍移影宿烏飛。淨澄玉宇斜懸鏡。冷淡清虛半掩扉。畫角催殘長午夜。教人兀自與闌歸。

海棠冬放

滿樹瓊花戀歲殘。錯教人恨五更寒。陽春此地偏先得。寄興新詩有若干。

仲冬四日龍潭攬勝書壁

古刹傳來擅曉鐘。洞天不必隱芙蓉。丹爐信是留黃老。經卷應知起臥龍。青鎖千秋銀杏樹。雲迷幾處紫花封。探奇寧負奚囊摘。好景尤憐又一冬。

山庵望桃花灘

水漱桃花幾度春。石橋空自鎖通津。問禪野寺僧誰解。窺趣疎林鳥自親。瀟灑興來貪綠醴。奔波過去笑紅塵。夕陽照處漁村好。回首臨風憶

釣綸

冬日晴和晡牕對酌與客聯韻得文字

夕照西牕入一怡情俗暫拋栢林移翠合山人

梅萼暗香交樂境眠書卷繼樂清尊侑野肴鳥

窺人意趣一詩向景推敲陽欲回璇室山春將

動澧郊明皆魚水契繼雅社芷蘭苞碧落雕新

月一烏羣戀故巢焚膏堪續晷山憑管可占爻

坐久園亭靜繼誼深肺腑膠漏高因夜煖一葉

下識霜凋未盡杯中物山翻驚話底嘲應徐慙

授簡繼穎楮看騰蛟臭味綠偏潤一風流塵轉

說長房壺已遇山茂叔愛寧淆大業千秋盛繼

文章衍蜀茅一

冬至前三日費郡侯同繼樂飲周茂才園

亭得月承以詩見示志謝

會憐前夕興無分共追隨預整書雲句頻催待

月卮誼同三友樂契合兩心知園趣收題品清

光況泛池

長至拜 祝喜飛雪

一陽生楚甸三祝效嵩山律呂黃鍾應璇璣南

陸還細煙浮寶蓋輕雪點朝班徵瑞堪陳頌
天顏咫尺間

冬日與客限三江十韻

一陽回斗柄乍冷侵高麗才望彤雲合翻經肅
氣逢籟聲頻亂樹夜色竟凌牕浮鴨香消半擎
螯酒舉雙裁聯分錦韻刻燭緩銀缸六出花飛
蕊千章谷作腔有心懷玉宇無信寄南邦酬興
難爲訴爭春未肯降揮寒憑拂袖得句若持幢
不就誰干罰同來翫暮江

冬夜讀詩

雲冷星疎半夜霜篝燈兀坐括全唐題詩寧拙
貪成體對景何妨便舉觴曾記去年逢此夕還
嗟明月共斜陽賞心莫負閒中興又見梅花伴
醉鄉

仙眠洲

水遶沙洲待客仙仙人醉裏穩洲眠仙眠夢醒
三千度洲上名傳不計年草色已知青迥別茗
香經過味偏全仙樓接渡多踪跡回首相望意

自憐

和費使君平蠻山興

翠壁隱招提雲物真神類
偶爾動蒲牢驚醒山
魍睡山寺

散步卻閒心心閒理自見
俯仰山水間歸來雲
滿院散步

漪漪碧叅天偏然宜客對
契合彼此心飽看隨
門閉竹林

曾聽長樂鐘偶聽空門磬
元來心境寬金石俱

堪聽石磬

山以虎得名虎聞蹲其上
於今熊軾過虎去無
嵐障白虎山

叱馭古賢心何妨嶮巖界
況披愛日過去復無
所隘望麻寮

笑彼蠻觸愚操戈西北逕
諭蜀司馬文一檄須
教定望容美

誰鑄剗犀劍光同鑊鄒來
寒生三尺雪威起九
冬雷渤海靖羣孽延津著
異才割鷄聊小試山

壑淨陰霾

滇劍

天門西盡路何賒。日落煙橫更幾家。排字喜看

南過鴈。催詩驚聽暮林鴉。內夷更是欽王化。僻

壤于今遇漢槎。推轂南州開府意。飛旌無待指

南車

過慈利縣

不擇山城與石城。如龍五馬且行行。一從綏撫
人遵化。旋見提封犬不驚。歸道負羊春信至。探
奇狐嶺興偏橫。夜來草罷平蠻檄。剩得青尊對

短檠

憩通濟

山勢巍巍更有樓。許多光景望中收。威名正共
山常峙。惠政仍同水自流。一路饒歌喧鼓吹。百
篇詩句佐杯籌。憲邦文武非常績。不是乾坤作
浪遊

九谿城樓

答李無學索炮

君憑炮竹催吟興。猶把梅花寄歲寒。我却玄中
參造化。無煩車馬過門闌

謁關山祠書壁

壁立巍峩儼作關。芙蓉翠瑣玉縑環。尋源水渡

深潭冷出岫雲封古道閒四野頻時施雨潤千
章靜日有煙園隨心極望能窮目髮鬢何須問
泰山

壬子元日拜祝後書曆試筆是歲齋居報
祝

天上祥光動人間淑氣臨萬年瞻寶曆四袞慶
當今春早梅花發朝歸彩筆吟明時無以報玄
禮答高深

今上壬子春日邀繼樂郭景璞小酌肯景

璞當三十誕日是歲繼樂四旬余亦三十
因名百歲會云

霽色臨窻意氣投捲簾春信到枝頭梅花冷澹
香偏透竹葉清涼味亦浮聚首一堂成百歲紀
年五袞慶千秋呼盧刻燭宜餘興絕勝南江歌
舞樓

二月朔東繼樂

相識東風遍翻憐北鴈過瓶開梅影瘦堦砌草
芊多山外常雲霧樓頭襍珮珂撫春閒寄語爾

音韻
卷之五
興竟如何

二月值雪喜霽
春服相將就俄驚六出開寒聲侵陌柳朔氣壯
庭梅未適青郊興宜銜綠蟻杯東風能自主夕
照報春來

香
澧陽八景

香
蘭江繡水

一派長流接石門荆南地軸此爲源名隨蘭秀
分清味篆擁江澄織細痕潛隱魚龍知自泳停

飛鷗鷺欲忘言古今多少詞場客臨棹應知便
對樽

彭嶺翠峰

形勢西來有幾重城頭繫目削芙蓉水環澗底
清連潤雲靄松稍澹更濃千秀競中九競秀九
峰高處最高峯還饒盛世甘棠祀看取葱葱仰
肅雍

關山煙樹

岩巖一望可攀天中有蒼虬不計年曉日初升

音言
卷之五
羅帳捲白雲間出玉巖穿。四時澤物占蒸潤。百折朝宗聽往還。信是岷峨聯秀遠。華封奕世穩龍眠。

月池晴波

盪漾縣知水面宜。獨憐此處得名奇。池開金鑑充常滿。風動銀蟾影若絲。今古曾翻人鳥篆。往來誰咏芰荷詩。一泓清淺寧如舊。空有雲間夜淨時。

張湖洲上仙眠

朗吟幾度洞庭湖。却愛沙洲水竹區。暫携蓬瀛丹九鼎。且遊市肆酒千壺。黃梁早覺還天道。香附輕鋤作地鋪。白鶴已飛雲未返。岑樓相對若模圖。

谿東書院

繡水東頭景已收。況逢清興寓前儔。絃歌到處江山勝。憂樂因時性理求。院宇蕭條名不朽。音容想像意偏投。幾回欲讀豐碑字。祇看鳶飛共石流。

音言
卷之五
車渚夜讀

渚上何其車氏名車家武子樂研精莫愁四壁
塵生蘚可愛三秋草產英螢火不灰聲不息晉
綱才振學才傾須看遺跡新城近有志能令事
竟成

龍潭曉鐘

招提相外有鯨音吼動應關天地心。可是神工
畱造化便逢梵語起淵深老僧入定初迴性宿
鳥喧巢幾亂林客夢旅懷潦倒裏偶然聽到醒

魔侵

寄張真人

幾樹桃花望裏奇東南福地繫人思劍飛壁掛
三天字酒熟霞飡五色芝演法觀溪松夾道飛
昇臺古月臨池金丹玉簡傳來久故把詩筒作
管窺

春日山房讀詩偶占四絕並用唐句結尾
會意投諸社

纔過新年又半春櫻桃花與杏花鄰西園落得

音詩
卷之五
空歌咏閒看人間得意人
雪消春暝景悠悠歌舞家家未肯休
良夜閉門吟裏趣任他明月下西樓
夜底花香雨後天世間月裏幾嬋娟
蘇州只恐詞腸亂留與他人樂少年
逢人笑看綠雲斜識盡殷勤看盡花
何事費思偏自任却疑春色在隣家

獨樂

爲適青郊興還搖春水航
兒童閒鬪草桃李亂

爭芳寓目雲天濶開襟詩酒狂
東風誰是主抱瓮漫商量

論酌何須斗登山不必高
陌黃皆種菜村錦盡開桃
罷釣魚閒逝忘機鳥倦翔
歸來逢社友盡道賞春豪

一百五日

太原留怨禁煙寒
介子何辜憎老瞞
祇有虛名酌好節
令人鬚斷倚闌干

有所見

音詞
卷之五
小小黃蜂子入吸花中髓偶遇灌花人揉碎花
心死
風逐紙鳶起直入白雲裏一線少機關飄然不
知止

春日吳伍諸社雅見邀侍飲賦謝

被禊依流水行春問落花一樽青社契三月素
園華調笑檐前鳥爭妍籬上霞主賓饒樂事入
會愧蒹葭

暮春十三日子姓見邀侍飲

三月當三日天倫樂事多檻前風舞蝶池上水
浮荷詩奏周行葦筵開晉永和還憐將望月把
酒問如何

靜觀亭春咏

敲竹風聲亂移欄花影幽壘山巖絕頂結榭綵
纏頭梁燕穿簾入池魚出水遊紅塵不到處清
賞自悠游

看牡丹

從來名擅卉中王看到無論紫與黃雨後可憐

餘艷質。風前偏愛散。天香。頭頭解語。令驚目。辦
辦知心欲轉腸。珍重主人饒樂事。朝昏花底醉
霞觴

春光惜

風波相繫洞庭湖。九十春光大半辜。我卻太常
齋裏過。止餘十日醉模糊。醉來更覺情還剩。齋
去尤叅意若無。覷破紅塵渾碌碌。展開黃卷學
伊吾

春日登彌羅閣

僊樓一目萬原春。地界清幽意味真。玉宇金書
藏秘匱。鯨音鼉響入高宸。綠陰漸覺團林杪。白
鷺機忘傍水濱。此際了然無罣礙。何妨過耳動
松筠

夏月入牕

晝漏方長候梅陰。纔霽時樹聲淨。平楚花影遞
杳。恩光過明窻。早涼眠拂枕。遲檐痕如舊。歲景
色動新思

初夏與繼樂諸友小酌

情春春去已躊躇。漸次陰濃，意自娛。亭畔芰荷青捲葉，村中鷄黍味充厨。輕羅欲透薰風動，折簡相邀雅興孚。從此朝朝拚共醉，莫教容易泛秋湖。

午月四日寄問諸社友

菟渡聲隨細雨過，香風何日透輕羅。槐陰暎戶閒長晝，榴火凌牕憶短歌。信口吟成慚句拙，憑誰寄去惹情多。五絲縛臂尋常事，爲問盤中黍對何。

端陽風雨時齋居

艾葉飛旗拂未乾，蒲根切玉潤香盤。朝回紈扇無煩暑，浴罷羅衣偏耐寒。江上輕鳧嫌翼重，亭前疎檻喜花繁。應將好句酬佳節，願把檐流啖粉團。

戲句

劉郎不敢題糕字，辜負詩中一世豪。故把粉團成結句，任他法眼笑離騷。

夏日與繼樂仰止聯句次日續成共一十

九韻

夏日池塘潤一薰風盪漿輕酒酣魚鳥狎繼歌

罷水雲橫照眼紅裙妬一揮毫白雪生勝遊皆

有紀仰雅社不須盟意適乾坤大繼懷舒肺腑

清林陰翻嫩綠一天澹爽新晴河朔當年會仰

義皇此際評篋管初解籜繼欵乃漫擬聲見伏

星沉影一相將漏報夏蘭膏猶繼晷仰蓮館載

班荆朱絃流水調繼明月故人情興劇迷牛斗

一香濃襍杜蘅才推七步敏繼飲共百篇傾得

意陶陶樂仰憐時漸漸醒呼盧浮巨白畱韻待

重賡一

續成

午日名遊續西園樂事成澗邊頻鯉躍村底乍

蜩鳴碧落銀蟾透青帘野舍迎倡酌憑自意吟

賞喜同聲

夏日用太白夏日山中韻與繼樂仰止各

咏十首

極目青天外澄心素閣中披衣暑不到陣陣過

薰風

探奇憑卷裏驅暑藉杯中蓮葉任君飲空喉吸
好風

蓮花開幾瓮終日坐亭中知己二三友同邀君
子風

李白登山興陶潛醉菊中愛蓮亭上客此日景
前風

拂塵已狂醉揮襟曬腹中一觴須一咏任爾笑
吟風

好鳥鳴花午新蟬噪柳中山青知足雨雲白亦
成風

古今寸帙內山水四圍中荒涼深愧我杯酒挹
高風

長者何避客少年谿園中獨餘無逸子嘆息在
臨風

曲肱才有夢神遊太液中匡牀開北牖相伴約
清風

壽繼樂四袞

音言
卷之五
清秋銀漢燦長庚佳節天開玉鑑明仙島蟠桃
嵩祝近小山叢桂郢才清曾藏萬卷籌同注祿
享千鍾酒共盈。聯社與君聯癸誕年年瓜釀訂
詞盟

夏日過鹿野別境灌蔬園主人皆不遇返
坐滄浪溪頭遂成短歌

蓮花主人坐花下蓮服蓮巾倚書架揮塵探奇
漫啜茗香風細透渾無夏翻然乘輿命肩輿爲
訪灌蔬綠雲榭主人有客携壺觴衝筵祇恐妓

奴罵尋幽取道適城頭野望嘉禾登穡稼滄浪
釣水怯無魚村帘問酒嫌增價過橋大樹喜成
陰息喘其中意已假思憶昨朝貌比花使君慨
論情何亞曾期款乃綠衣郎紙上應非口裏詐
一曲清歌一匹綾纖纖玉笋金蓮窄堂開綠野
醉春風畱住春風長不夜兀教徒自把津迷榭
書黃犢馮吾駕歸來興盡坐蓮居依舊花開與
花謝花謝鎔疑初浴時花開尤比新妝罷動極
須知靜自生濂溪只在蓮花舍

前譜
夏臥尚雅偶占

極目窺青漢閒心臥白雲南柯才入夢北牖已
邀薰蘭葉飄書帶芸香篆簾紋遙來蟬語細無
事逐塵氛

過庭覩約我懷

洞天佳什倡酬至三用

韻賦洞天卽事

金壇之洞句曲山避暑神游到此間洞裏乾坤
閒道秘壺中日月駐童顏已從歌句渾超世只
許詩筒漫叩關酬倡更憐同調意去來莫使鶴

空還

七夕高約我投詩見懷兼遺新果以助稱

觴和謝

晝長兀兀愛蓮居北牖乘風愧宰予夢入天池
餐露液醒來書案接瑤琚情非擲果偏遺果技
拙騎驢更覓驢千丈雪飛臺共遠鎔將銀漢作
匡廬

立秋日酷暑時雨偶占用約我觀妓韻

酒魔未了障詩魔大塊炎蒸轉太和墜葉梧桐

驚寂寞垂陰楊柳任婆娑好懷自是能成趣美
景須知且放歌祇怪西風偏入枕悲秋遮莫惜
春多

一夜秋

一霎秋飈枕簟涼。幾家砧杵促寒裳。閨中少婦
應多緒。路上行人已斷腸。木葉敲風驚欲墜。蟬
聲送雨竟相忙。祇堪牕下三餘事。書卷茗甌伴
炷香。

秋日書事

八月秋高暑亦侵。徒教散髮與披襟。紗厨自在
人貪睡。蓮社逢迎各斷吟。正喜碧筒顏未改。翻
憐黃葉影難禁。纔拈斑管搜餘興。幾處傷心入
耳砧。

壬子中秋

構臺滿擬賞中龜。何事羈余病與愁。雨落連旬
虞歲稔。月明此夜待人酬。竿傳正喜親聞樂。嵩
祝端埃。聖德謳。但得年年同此夕。任教歌舞
醉金甌。

韻言
邀諸社小集

是日余將致齋

莫教容易泛秋湖。七夕中秋事已逋。剩我齋居
宜茹蔬。邀君雅集。更看萸與。添風雨。時將近。趣
識煙霞理。自符不。惜如泥。一日醉。閉關從此任
醍醐。

過庭得覩高約我寄詩用韻柬之

愁病中秋興不賒。那能共泛斗牛槎。多君豪放
遲明月。愧我荒涼度歲華。丹桂無心耐李節。黃
花有意戀陶家。幾時聚首濂溪社。秋水長天對

落霞

九日風雨齋居過庭得覩 睿什兼有高

約我倡和敬陳蔬酒爲壽因賦

齋居繡佛散天花。歲月渾忘菊始華。豪興洞天
詩已就。幽懷彭澤酒須賒。珠璣酬倡他情恰。芹
藻歡承此會嘉。莫道膝前辜好節。紫萸白酒卽
食霞。

周氏園亭入景和費郡侯韻

水閣連雲

前詩
卷之五
綠楊邊水水邊樓雲出無心心自幽流水浮雲
供坐嘯却將人世等虛舟

池塘印月

一曲澄泓漾此亭微風不動細紋興有時玉鏡
天心見池畔先疑出海溟

文石聳秀

山石峻嶒水竹隈薜蘿盤
蒼苔三峰咫尺
如飛到五岳神遊莫浪猜

修竹曲徑

琅玕敲韻敞高旻尋路行踪映水濱有興看來
休問主同心應不厭頻頻

水橋野色

亭傍略約架深谿好景宜人在竹西攜酒豪吟
還策杖歸齋脫稿點青藜

屏桂傳芳

石家金谷不繁華月裏香來氣味賒顏色四時
渾不改一屏芳信報君家

書牕梅影

音言
卷之五
一
總幌偏宜春復冬暗香隨影透窻濃伊吾自哉
其中趣早占魁名彩色重

花臺砌錦

名花異卉幾時哉競秀從他次第開調護主人
情意重對花摘錦日啣杯

和費伯鴻花徑口號連成

問月人宜酒看花酒待人但逢花月會五馬駕
須頻

無酒不催詩詩成能載酒豪吟幾百篇須飲三

百斗

贈周山人

聞君擅焦尾奏之起魚龍我愧如元亮祇有無
絃桐聞君擅人籟吹之引鳳凰我愧如子猷祇
愛蓄修篁聞君擅奇術岐黃秘獨孚我愧玉川
子茗椀啜搜枯湘江之上君三絕蘭浦之間余
三拙三絕年來投好竿三拙于今懶只踈昨從
卷冊見新篇格調古雅凌建安揆毫伸紙欲退
舍學步續貂心懸懸時看吾桐與吾竹不入吾

耳豁吾目呼童更進七椀多颯颯清風振林木
贈君小詩送君行愛君先子之蓮守吾朴

憩鹿野園亭懷費使君

周家池館已蜚名此日重來興自生看竹還須
尋好主裁詩却自憶初盟座間蜀客懷秦客林
外風聲襍梵聲半醒半酣歸路遠暮寒夕照過
西城

閏十一月既日

朔辰盈十二月既又當除梅萼香皆散楊枝青
欲舒看花驚守歲檢曆喜逢餘寄言同調者珍
重此居諸

立春日小園看紅白梅邀繼樂啜茗梅底

春色東郊此日迎暗香先已送餘清夕陽掩映
渾堆玉老幹橫斜擬着瓊雨露零灑同裛澤風
煙交契自多情隴頭欲寄今何限小啜松蘿結
歲盟

氣盟

氣盟... 小類外蘇蘇

氣盟... 同真

氣盟... 韻

氣盟... 韻

氣盟

氣盟... 韻

